



Seizgan gvaq ndaej vaiq lumj naq, mbouj rox mbouj nyinh gvaqbae geijcib bi lo. Geijcib bi gaxgonq, gou lij rengzrwd, guhhong maenh-ndwtndwt. Vih vut aen mauhgungz, gou.....

Codauez, gou ngamq bae hag Sawcuengh, miz di vunz yawj mbouj swnh da, baihnaj gou ndaq naeuz: “Bawx baenz bang, lan baenz gyoengq, namh yaek moek daengz giuzndaeng lo, lij buet bae mbanjrog caeuq gyoengq bouxcoz hag gijmaz Sawcuengh, caen mbouj rox najmong.” Gyoengqde lij eu naeuz:

Gaeqmeh hamj gvaq ciengz,
Daet rieng guh gaeqhangh,
Baenz meh ga ndungqndangq,
Lij angq guh sau daeuz.

Gou lumj boux rwznuk nei mbouj leixlangh gyoengqde, ndawsim gag gangj gag naeuz: Yawjyawj ba, ngoenzlaeng dauqdaej dwg byawz najmong. Lwg gou bawx gou cungj cihciz gou gujli gou, heuh gou haenqrengz hagsib ceng’aeu guh baenz boux miz vwnzva rox gohyoz, caemhcai ndaej yungh gohyoz daeuj cijdauj swnghcanj, gaijbienq yiengh-siengq gungz, yamq hwnj diuzloh baenzfouq. Daj neix hwnj, gou engq mbouj lau vunz youq baihlaeng gangj vahvaih, mbouj lau roen gyae loh rwix, genhciz haemhhaemh benz bya gvaq lueg bae camgya bansaujmangz Saw-

cuengh. Mbouj geij nanz, gou hag rox Sawcuengh lo, rox doeg rox yawj Gvangjsih Minzczu Bau, rox y